

НЭ'МА ПАУЛОС ФЬЛИМОНР'А

Пешготьна институте

Фьлимоне бавэрмэнд йэки э'йан бу, эв доте Паулос бу, хойа дьбэ кё эндэме щьвина^ф Колосйае бу. Хёламэки ви жи һэбу наве ви Онисимо, эв жь цэм хвэйе хвэ р'эвибу у гэрэке бона кьре хвэ бьһата коштыне. Ле гава Паулос кэледа бу, хойа дьбэ кё Онисимо ви дьбинэ, т'обэ^ф дькэ, дьбэ бавэрмэнде Иса. Бь ве нэ'ме Паулос һиви жь Фьлимон дькэ, кё эв бьбахшинэ Онисимо у ви қэбул кэ, нэ т'эне өса чава мэрвь^ф дьбахшинэ хёламед хвэ, ле өса бьбахшинэ чава йэк дьбахшинэ бьраки хвэйи бавэрмэнд.

Ве нэ'ма кьнда дэрсэкэ к'ур бона ве бавэри^ф у һ'ызкьрна Мэсиһ к'ьфш дьбэ, кё чава гэрэке нава бавэрмэндада һьндава һэвда һэбэ.

Сэрэщэма фькьра нэ'ме

Пешготьн (1-3)

Пэсьне Фьлимон дьдэ (4-7)

һивикьрын бона Онисимо (8-22)

Пашготьн (23-25)

Сьлавкьрын

1 ¹ Жь Паулос, бона Мэсиһ Иса гьрти у Тимот'ейоё бьра,

Фълимоне һэвал-хэбат у дэлалэ хwэр'а, ² Афияа хушкр'а у Архипоие һэвалэскэре хwэр'а у öса жи we щъвинер'а^ф кö мала тэда дыщъвэ:

³ Дэ бьра к'эрэм^ф у э'дълайийа Хwэдеие Баве^ф мэ у Хöдан^ф Иса Мэсиһ ль wэ бэ.

Бавэри^ф у һ'эзкьрына Фълимон

⁴ Эз һэр гав жь Хwэдеие хwэ р'ази мэ, гава нава дöайед хwэда тэ бир тиньм бьрайе Фълимон, ⁵ чьмки бона we һ'эзкьрына тэйэ һьндава т'эмамийа щьмэ'та Хwэдеда у бавэрийа тэйэ һьндава Хöдан Исада дьбьһем. ⁶ Эз дöа дькьм, wэки һэлэqэтиийа тэйэ т'эви мэ, нава бавэрийеда^ф мэ быгьһинэ we занэбуна к'ур, йа кö һьндава һэр тыштед мэйэ qэнщэ т'эви Мэсиһ э. ⁷ Бона we һ'эзкьрына дьле тэда бьрайо, эз гэлэки ша бум у бина мьн фьрэ бу, кö дьле щьмэ'та Хwэде пе тэ р'ьһ'эт буйэ.

Һивикьрына Павлос бона Онисимойе хöламе Фълимон

⁸ Бона we йэке бь Мэсиһ чава бьра, мьн дькарьбу тöрöш кьра, э'мьри сэр тэ бькьра, чь кö щайиз бу, ⁹ ле жь дэст һ'эзкьрыне, һиви дькьм. Эз чава Павлосэки кал у ньһа жи бона Мэсиһ Иса гьрти, ¹⁰ бона лаwe хwэ Онисимо һиви жь тэ дькьм, йе кö qэйде мьнда чава кöр'эк мьнр'а дьне к'эт. ¹¹ Эw wэхтэке кери тэ нэдьһат, ле ньһа һьн кери тэ те, һьн жи кери мьн*.

¹² Эз wi пашда дышиньмэ щэм тэ, эw щэгэра мьн э. ¹³ Мьн дьхwэст эw щэм хwэ бьһьшта, кö дэwса тэ бэр дэсте мьн буйа, һ'эта кö эз бона Мьзгинийе qэйдада мэ.

* 1:11 «Онисимо» бь зьмане йунани те фэ'мкьрыне: «Керһати».

¹⁴ Ле бейи тэ мьн нэхвэст тыштэки бькьм, кө қэнщйа тэ өса нэбэ, чава борщэк кьрьбьнэ стуйе тэ, ле бь р'эзэдьлийа тэ бэ. ¹⁵ Бэлки бона ве йэке эв вэхтэке жь тэ дур к'эт, кө эв һэр т'ьм бьбэ п'ара тэ, ¹⁶ нэ кө чава хөлам, ле жь хөламэки зедэтьр э, чава бьраки дэлал! Бона мьн эв чьқаси дэлал э, ле бона тэ эве һе зедэ бэ, һьн алийе хөламтийеда, һьн жи алийе Хөданда.

¹⁷ Ава һэгэр тө мьн чава һэвале хвэ һ'эсаб дьки, ви өса қэбул кэ, чава мьн. ¹⁸ һэгэр эви нэхэдик жи ль тэ кьрьбэ, йан тыштэки дэйндаре тэ бэ, сэр мьн һ'эсаб кэ. ¹⁹ Эз Павлос бь дәсте хвэ дьньвисьм: Эзе ль тэ вэгэр'иньм (ле эз бь ве йэке нахвэзьм бежьмэ тэ, кө тө жийина хвэва дэйндаре мьн и.) ²⁰ Ньһа, бьрайе мьни жь Хөданда, ве қэнщйе бона мьн бькэ, бона хатьре Мэсиһ дьле мьн р'ьһ'эт кэ. ²¹ Эз гөһдарийа тэда гөман бум, лэма жи мьн эв йэк тэр'а ньвиси, чьмки эз заньм те жь готьна мьн зедэтьр бьки.

Готьнед ахьрийе

²² Пештьри ве йэке жи, мьнр'а щики майине һазьр кэ, чьмки гөмана мьн һэйэ, кө Хвэдеие щаба дөайед вэ бьдэ, мьн пашда бьдэ вэ.

²³ Епафрасе бона наве Мэсиһ Исайи т'эви мьн гьрти, тэ сылав дькэ, ²⁴ өса жи Марқос, Эристархо, Димас у Луқа, һэвал-хэбатед мьн.

²⁵ К'эрэма Хөдан Иса Мэсиһ т'эви р'өһ'ед вэ бэ.